

## Il nov mandat da pensiun da la BCG: investir la facultad e segirar las entradas

Cuira, ils 13 da schaner 2010 - In pensiunament n'è betg mo collià cun aspects emoziunals, mabain era cun dumondas finanzialas. La persuna che va en pensiun sto decider tge far cun la facultad da prevenziun spargnada en la segunda e/u terza pitga. Il nov mandat da pensiun da la Banca Chantunala Grischuna porscha soluziuns d'investiziun individualas.

La basa per avrir in mandat da pensiun è ina planisaziun da la liquiditad e facultad. Quella permetta dad accordar las valurs da facultad uschia ch'ils custs regulars da viver e las expensas unicas pon vegnir cuverts da tut temp cun ils meds liquids disponibels. La finamira primara è da segirar e d'optimar las relaziuns d'entrada e da facultad personalas sunter il pensiunament.

Il mandat da pensiun permetta d'adattar las investiziuns als basegns individuals da la liquiditad, da la segirezza, da la rendita e da las taglias. A basa da la planisaziun da la liquiditad e facultad vegnan las valurs da facultad investidas en in conto da pensiun cun tschains attractivs, en deposits a termin ed en products da protecciun dal chapital. Cun il mandat da pensiun dispona la BCG sco emprima banca d'in product che porscha soluziuns d'investiziun individualas per persunas pensiunadas. El è disponibel dapi il schaner 2010 a partir d'in import d'investiziun minimal da 250'000 francs.

### A Vossas dumondas pertutgant il mandat da pensiun da la BCG respunda gugent:

[rico.monsch@gkb.ch](mailto:rico.monsch@gkb.ch)

Responsabel prestaziuns da martgà, commember da la direcziun | +41 81 256 96 46

### La communicaziun d'interpresa As gida gugent a cuntanscher il pli svelt pussaivel Vossa persuna da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11

ubain a [hans-peter.rest@gkb.ch](mailto:hans-peter.rest@gkb.ch) | +41 81 256 83 10.

#### Banca Chantunala Grischuna

A la testa dal martgà en il Grischun – cun in ferm Private Banking sur il Grischun ora.

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'116 collavuraturas e collavuratur (stadi dals 30-06-09). En il chantun Grischun cun sias numerusas vals e pliras linguas, è l'interpresa represchentada cun 73 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank a Turtig. En il rendaquint semestral preschenta ella cun ina summa da bilantscha da CHF 15.627 milliardas in gudogn brut consolidà da CHF 111 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2009: 5 da favrer 2010

Radunanza dals participants 2010: 27 da mars 2010